

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Vom Heerfüren.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Von fräffner errettung erlangter Ober-
kempt vnd Herrschafft.

Seymal etlicher leuch gewalt gemeynlich lauret/wie sie im abgang
eines theuren Fürsten/dem jüngst eingesetzten seine federn berupffen
mögen/erfordert die vnuermeidlich not eylends im anfang seiner Re-
gierung mit list vnd verruchter Künheyt/diese ganz auffß geschwindest
zuentschütten/ihren bund zutrennen/die mächtigsten mit gelt/die andern
mit verheissung vnd mit eingebung etlicher Vogteyen/die er volgender zeit
leichtlich wider erobern mag/vnnd als dann nach ihrer trennung mit etli-
cher beystand/die schwachern vberziehen/vnd nach vnd nach eintweders all
vnder seinen gewalle oder straff bringen/damitt würde den seinen ihr hertz
wachsen vnd den feynden schweynnen.

Erwägung des Kriegs.

Wenn allen anschlegen/also soll er auch billich in so gefährlichem han-
del/ehe er sich Kriegs vnderwinde/vor allen geschefften steyff sein/
vnnd des Feinds gwallt/gut/Reichthumb freund vnnd Vnderhan-
ten/nachbahren/weytte/ferre/abne/höhe/feuchte/dürre/stercke/schweche/
trew/glauben/sampt dem auffgehnden Kosten vnnd mühe/so beyde vber
Land/Strat/Schlösser/Ampfleit/Knecht/Brücken/Schanzen/geschütz/
vnd auff alle andere rüstungen vnd notzweg/im anfang/mittel vnd ende/
nach dem vnentpärlichen fal des runden glücks lauff/vnd auffß aller fleissi-
gest matmassen vnd berechnen/damitt er nit erwann eintweders durch vnu-
ermüglichkeit/oder durch vnuersichrige hinläsigkeit/wo nit zu schädlichem
verlust seiner ehr/güter vnnd Landen/doch auffß minst zu spölichem ver-
trag getrungen werd 26.

Vom Heer führen.

Wenn nun fürsehung dreyer vnderschiedlicher zeytten/anfangs/mittels
vnd ends/alhie hoch zuachten/Also wird auch deren keine on schaden
vbersehen/Derhalben soll er wissen sich dieser dreyer gegenstück/als
durchs gehör/durchs lesen/vnnd durch eigens erfahren/füglich zebrauchen/
dann warlich dieser zeit fällen/vnnd aller Ritterschafft nichts widriger vnd
schedlichers ist/dann ein verruchter/fräffner/vnbesinnter verachter des
feyns/der zeyt/vnnd berürtter dreyer stücke/der mit viehischer grimmig-
keit sich selbs sampt dem ganzen hellen hauffen vnd Land/offt durch wein-
seuchte odder vnuerstand/inn vnwiderbringlichen schaden stürzet. Wer
glückseliglich Siegen will/muß nicht allein fräch/verwegen vnnd vnter-
sagt/sonnder wolgeleert/kunstreich/welß/ja not halben mit vier Haupt-
tugenden

Ordnungen vnd Leer

tugenden gezieret sein. Nemlich mitt wissenhafftiger erfarenheyt der Kriegerichafft/ mitt starcker gesundheyt leibs vnnnd seiner sinnen/ mitt hochwirdiger achtbarckeyt/ vnnnd mit natürlicher glückseligkēyt/ deren keine mit yerleufftigen Kriegs sitten/ sonder etliche mitt emsigen wolbelesnem fleiß/ die andern aber allein von Gott/ der ein warer Herr aller heerzügen inn heyliger geschriffte genennet wird/ on menschlichen vermögen erworben vnnnd verlihen werden/ nach seinem billichen zorn odder gunst/ dabey man merck/ das Gottsforcht im Felde ein waar grundfeste ist/ des vngezweyffelten siegs/ Auff wölche gemelte haupt tugenden anfencklich müssen gegründ werden/ vnnnd mit obgemelten dreyen stücken/ so ich gegen dem anfang mittel vnnnd ende gestellet hab/ als mit künstlichem belesen/ gehör/ vnnnd mit eigener erfarenheyt gnugsam erbauren. Die Kunstleeret den Leser/ hörter vnnnd erfärer/ auß alt beschribnen geschichten/ die breuch/ vbung vnnnd vorteyl der Waffen/ zuroß vnnnd zuffuß/ auch jeder ämpter Beuelchs verwaltung vorhin vnnnd nach dem Krieg/ gegen freunden/ verbündten vnnnd seynden/ auß Zügen/ Scharmützen/ Stürmen vnnnd Schlachten/ zugleich dem vberwundenen/ vnnnd dem vberwinder nutzbarlich. Das gehör wiewol es etwas lufftig vnnnd vnbestendig/ ist es doch zur einbildung vortheyliger anschlege/ vnnnd zur erfarenheyt nicht die wenigest anreizung auch einbrünstige vrsach zulesen/ selbs eigne erfarenheyt ist ja entlich zum hochlöblichsten/ viel geäfferte belesung ist aber vil hefftiger vnnnd heylsamer/ Aber das gehör ist inn allweg zum vorthail fürderlich. Verstandlich lesen allein die geleerten/ vnnnd das in sicherheyt/ aber glücklich erfaren/ mögen allein die so nach vorteiliger vorbetrachtung der vermerckten vnnnd wolbelesnen geschichten obgenenter vier tugenden theylhafftig seind. In allweg aber ist die außerlesene kunst allen fürzuhalten/ nicht allein das durch geschriffte in kurzen tagen oder stunden/ mehr erlesen vnnnd weißlich ergriffen/ weder in hundert jaren/ auch von den klügsten mit der that vnnnd erfarenheyt mag erlernt werden/ sonder auch darum/ dz sie die aller großmächtigsten Heer fürer. Nemlich Dauid bey den Juden/ Darius bey den Persen/ Ninus bey den Babiloniern/ Alcibiades bey den Griechen/ Julius vnnnd Augustus bey den Römern/ Arminius bey den Teutschen/ sha inn altem Römischen Reich allezeit/ die aller vnüberwindlichste Kriegshent/ nicht allein geehret/ sonder auch selbs vonn der wiegen her/ ernstlich gelernet/ auch oft im angriff der feinde/ dem hellen hauffen fürgehalten/ vnnnd durch tägliche vbung ein sollichs hertz eingesteckt/ das sie durch bewerte erfarnung/ gar nach die ganze welt also bekriegt/ das sie nicht allein auß dem Hirten heußlin Romul/ ein haupt vnnnd seul der welt gemacht/ sonder auch ein andere welt Ritterlich zu bestreiten begeret haben/ so doch hiezwischen alle Kunstverächter/ ihre geschundne vnnnd außgemärgelte heußlin/ ja ire eigne ruwinkelin mit irem blinden vnwissenhafftigen geiz kaum vor einem nichtigen streyffrötlin bewaren vnnnd entschütten/ weder wissen noch mögen. Diweil auch solche Kunst/ alle zeit stercke der sinn vnnnd des leibs als ein stätten geferten haben/ so nöttig ich kein Kriegsmann zu erfarnung der siben freyen Künste/ seytenmal deren jegliche sonderlich in menschlichem alter schwerlich erlernt wird/ wiewol die der vhralten Ritterschafft nicht vnnmár gewesen seind/ sonnder erman jeden allein zu souil kunst/ als vil zur

Ordnungen

zur besserung vnd erkennnuß der alten löblichen getharen/so Lateinisch vnd Teutsch beschrieben/notturfftig sein mag/durch wölche die geschwind vntthätig stercke der sinnen vnd des Leibs nicht geschwecht/sonder erleuchtet vnd bekräftiget werd/ Dann wiewol vernünfftige vnd sinnreiche Rathschleg/ Himlische Gottes gaaben/etwann inn einer Senfft vnd Kospar zum Schlachten geführt/seind sie doch nicht gar gewichtig/wa die mit Leybs stercke vnd geringheyt nach gelegenheyt weder beholffen noch erstatten werdend/ dienende auch füglicher inn die Pfaltzen dann in die Schlachtordnungen. Solcher stercke arth zeygen vnns die Historien im Papirio Cursore/ der mitt geschwindigkeit seiner sinn vnd Leybs/ sein zunehmen erkriegt/ als die nicht für sich selbs vbermütig/sonder allein für die gerechtigkeit ihres Vatterlandes/bis in den letzten seuffzen großherzig ist bewiesen/ nicht allein im Moyses/ Josua vnd anderen Israelischen Fürsten/ sonder inn den Heyden/Horatio/ Coclite/ Q. Curtio Marco/ Stena/ Camillo/ Fabricio/ Regulo/ Decio/ Scipione/ En. Pompeio/ vnd inn Codro der Athenen König/ fürtrefflichen im Arminio/ dem lob aller Teutschen/wölcher mitt genannten Tugenden alle Exempel der ganzen Welt/in der warheyt zubekennen weit vbertroffen/ die Römischen beherrscher der ganzen Welt also oft geschlagen/bis er sie mitt kleinem heufflin auß allem Teutschen Landt getrieben/vnd zuletzt als er gemeyns Vatterlandt vonn feynden gereyniget/ seinen Geyst den vndanckbaren auffgeben/Wölches alles er vngezweyffelt in so grosser armut der Profandt/weder Leuth/gelts vnd der freunden nicht vermögen hett/wo ihn nicht Gott mitt ansehenligkeit vnd glück auch gefördert hett/ vnd sampt seinem Vatterlandt vber alle Hauptleut vnd Nationen/geadlet/wann theurgeschetzte achtbarkeit ist auch nicht die minst fürderung zum Sieg/wirdt aber gemeinlich auß fürtrefflicher Keychthumb/ auß herrlichem anhang/ auß hochgebornem Stammen/ deren er gemanglet/ iha auch wie an ihm scheynlichen gewesen/ auß Fürstlicher gestalt vnd höffligkeit der Person vnd Sitten auß mitler vernünfftiger redsprächigkeit/ auß dapfferen Ritterlichen thatten/ vnd zunoran auß Gottes gunst/ der aller Menschen Herzen weyset/ wohin er will/erlanget. Der aller klugest König Minos gnossus bey den Certensern/vnd Scipio bey den Römern/haben sie durch das erdichtete Gespräch des Gott Jupiters also erlistet/ das alle ihre Red vnd geheiß schier kostbarlicher geacht wurden/dann hett es Gott selbs hörlichen gesagt. Numia Pompilius/da er dergleichen thet/ als empfieng er alle seine Räch vnd gesatz durch das nächlich gespräch/vonn der Göttin Egeria/wardt vonn seinen Römern schier für ein Gott geachtet/Sercorius aber als er ein zame weisse Hirzin mitt dem Römischen hauffen inn Chrabaten bracht/ vnd nach etlichen schedlichen Scharmützen betrachtet/ wie er das rauch Volck möcht vberwinden/ ließ er auch inn der Feind Lager rüchtig werden/wie ihm Gott in einer weissen Hirzin gestalt zu hilff kommen/vnd sein anschleger wer/wölches sie nach bald erlittenem Schaden

V ij Schaden

Ordnungen vnd Leet

Schaden glaubten vnd sich gantzlich an ihn ergaben/bracht also mit erdichteter Gottesforcht vnder seinen gewalt/die er mit Schwerdschleegen/schwerlich gezeumpft hett/wann durch sie erzagt der feynd/vnd die seinen erstarkt in inn Kühnheit vnd Mannheit/Endlich sein die Tugenden am scheinlichsten/so in ein angeborne glückseligkeit allzeit beysteht/on die alles thun vnd lassen/hören/lesen/erfarung/Kunst/Stercke/achtbarkeit/vnd was der gleichen vortheyl/nichtig vnd krafftlos sind/Wirt der haben nicht allein Metellus/Silla/Traianus/vnd Vencidius Bassus/der auß einem Felsreyber der glückhaftigst vberwinder der Parther war/sonder viel fürtreffliche vnserer Christliche Fürsten/Theodosius/Carolus der groß/vnd der seynen Namen mit wercken betreffiget/Henricus Barbarossa vonn hohen Stauffen/deren vnüberwindliche Mayestat mehr zuuermundern/dann nachzuolgen gewesen/ihre feind also vberwunden vnd sich erzeygt/das sie nichts hertzlicher wünschten/dann irer huld würdig zu werden.

Von Eygenschafft des Obersten.

Erhalten sol der Oberst Fürst/ein Gotsfürchtiger ohn besleckter schaw Spiegel beid freunden vnd feinden sein/vnd rechtglaubigen Gotsdienst in heiliger andacht vnd Kirchen versammlung/zu erwerbung Gotes frids vnd hulden/durch all sein Fürstenthumb auffrichten/vnd mit strenger vnuermeidlicher straff bey Reichen vnd Armen/handhaben/auch mit Gottes gnad/wider seinen vnuerfönlichen abgesagten feind/mitt weisen Rathgesossen von vnuersehenlichen Kriegsfällen Rathschlagen/seinen endlichen bedacht vnd fürsatz in sein hertz beschliessen/denselben erst zu gelegner zeit/ort/noth/eröffnen/in allen dingen niemand/im selbs auch nicht zuuiel on sicherheit vertrauen/betrug zuuervüten/der feind gelend/berg/thal/hole weg/Klauen/bürg/stett/ebne/weld/feldt/heg/gesteud/see/fluß/lachen/moß/brunnen/bäch/graben/pfad/strassen/arth/natur/brech/gewonheyten/Eleyder/weer/rath/dück/weiß/gebärd/macht/schwachheit/in frid vnd krieg/sich nach sollichem zurichten/weißlich erspähen/vnd möchts on leibs gefärd geschehen/selbs augenscheinlich besichtigen/Aller ämpter vnd Regiment/Keyseriger vnd Fußknecht/auch aller gewerb thun vnd lassen/tag vnd nacht inn eygner oder inn still vertrauter leuch person erkündigen/auch offft die gemeyn heimlich wider die Beuelchsleuth/vnd hinwider die Amptleuth wider den gemeinen mann rechtfertigen vnd freundlich hören/vnd nach wa ar erfarnet that/on barmherzigkeit in beyder gegenwertigkeit/vnpartheyisch straffen/vil heimliche arglistigkeit zuuernemen vnd zuwenden/Allen inn gemein vätterlich zusprechen/den minsten nicht weniger schützen dann den meisten/dieweil er offtmals nutzlicher sein mag in gefarligkeit dann seiner/